

明以來文學

涑州風土記第十五

涑州文獻凋落一方之士傳聞於世者少朱竹垞輯明詩綜所采獨張天麟詩一章我朝四庫館收書至廣涑州著述獨劉懷志尙書口義劉元龍先天易貫二書康熙乾隆兩開宏博科州屬應舉者則劉自潔李明哲二人嘉慶獻賦召試者則賈昌期一人其與天下名流往來者明萬歷時張弨初獲交趙高邑崇禎時程衡以節死及後江南名士任大成過涑州問程衡安在若漢祖之過趙求樂毅也康熙間從刁文孝遊者則有崔甲釗從陸清獻遊者則有吳玠及康雍之際從顏李遊者安平則楊計公趙衛公

記十五

文學

啓公之徒涑州則國之桓之蒲兄弟此其尤著者其餘蓋有以文章學問自築勵卓然可傳於後而遺文湮滅無可紀述甚可惜也最後又得李長峯杜法孟二人並著於篇

張天麟字允禎州人嘉靖十四年進士南京戶部主事改北京戶部進郎中司陝西軍餉羨餘悉充公帑尙書梁公賢之權臨清稅能卹商旅督運懷來最受白金綵幣之賜中鹽遼東商或持權貴人書來謁不發視後以勞卒官祀廣甯名宦祠朱竹垞選明詩綜鈔天麟旌德道中詩一章其辭曰小邑無郵吏農人半甲兵石樓橫斷岍草徑入荒城聞道甘泉駕將臨細柳營風塵何日靜洗眼看昇平此

詩殆武宗時作也初張氏多以吏能顯至天麟乃以文學
箸稱其後有張弘初與高邑趙忠毅公安平王給事三餘
交善後王趙相繼登朝爲名臣弘初以選拔貢生早世人
共惜之涑州人傳說巡撫某公生日士大夫各撰辭爲壽
少當意者弘初文入獨擊節歎賞弘初善鍾王書法人得
其片紙輒藏弄之

尚書梁公戶部尚書
梁材也材明史有傳

程衡字伯權州人七歲能詩爲諸生馱棄舉子業獨大肆
力于詩詩則自創新語嘗集錄其詩名之曰雪藁大行于
世崇禎十一年我大清兵破涑州衡肅衣冠殉難其後
有任大成者過涑州問伯權安在或對曰殉難死矣大成

記十五

文學

二

嗟歎久之柏鄉魏文毅公痛其人錄其遺詩而序之其文
曰程伯權者涑州名士也余初不識其人戊寅夏游郡之
講院與涑士謝鼎儒善每揮麈酣歌聞其清句出塵灑然
異之詢誰氏作則曰友人程伯權也伯權年弱冠不拘禮
法嘗有嵇中散散髮岩阿之志其於聲律一道上下百代
靡不博綜然性情所近在陶靖節韋蘇州間後數月以試
赴平干始晤伯權於姚氏西園恨相見之晚出雪藁爲余
讀之一字一擊節歎其爲風騷遺響也無何羽檄告警匆
匆別去十一月涑州與柏鄉皆罹兵余艱難百死始獲一
生旣而詢於涑之知伯權者則伯權死矣嗟乎天之生才

士也何爲也哉數千萬人而不一生數十年而不一生幸而生焉固宜培植之愛護之若豫章之凌於霄漢天球之貢於明堂乃摧折零落若是其易者何也伯權昔謂予曰吾骨相陋恐不能久於世又其詩云緋衣數召文人少何用多修白玉樓將無以其言爲讖云嘗讀螻螻集而深幸盧次梗之爲王元美知也知伯權者誰哉錄其遺詩數首存之笥中以誌鍾期之感

崔甲釗字亮遠安平諸生父昂有大節甲釗自少徧讀程朱陸王氏之書與祁州刁蒙吉講學年十六遇兵亂隨衆守城能發礮斃敵母蘇氏病痿甲釗與弟甲鎧晝夜更番

記十五

文學

三

侍腓臍盡腫母遣之不去如此者二十年以侍疾久知鑿術年八十餘自刻死期日日吾病必以立秋後七日死已而果然從弟甲默康熙二十一年進士官內閣中書舍人居京師貧窶守高足未嘗一及貴要之門與兄甲勛講學務心得不尙口說嘗講顏子所好何學論聽者悚起居喪一依禮經啜粥三年不飲酒食肉不御內不與宴會亦能鑿有名甲默有安平修城記見金石中

吳玠字爾錫安平人學士本植子也生六月失母事父及繼母孝謹康熙二十年舉人山東昌樂知縣代民輸逋負至毀家以濟尋罷歸年五十四卒始本植磳窮義理兼攻

文菽德州孫勳嘗誦其和人詩有好向山頭收勝景羞從
蔗尾覓微漿之句今遺集散佚舊志載其數詩其得告歸
里漫成二首其一云廿載京華客承明珥筆趨沉沉銷肺
腑種種閱頭顱道路儕餘子衣冠信腐儒故園歸夢切松
竹已全蕪其一云爲愛張平子歸田賦索居無才作舟楫
有分狎樵漁裂服紉新荔加餐掇野蔬酣歌堯舜世羞箸
茂陵書其杜門詩云老屋松間得數椽閉門高枕息塵緣
胷中不著尋常物眼底曾羅五百年牕竹縱橫標有節匣
琴寂寞味無絃坐來偶覺機心動紙上螳螂欲捕蟬其謝
故人王少司馬過訪不值見詰之作有句云牀上舊鈔齊

記十五

文學

四

物論篋中新廣絕交書其襟韻如此三子玠璠珊皆有家
法璠康熙三十二年舉人官內閣中書早卒玠珊并知名
玠少時嘗爲知縣陳宗石作瑞麥賦才思藻麗其序有云
祥至而不居德博而不有良有司之心也上有異政而下
弗克紀述言之不文此亦邦人士之陋也意致婉妙旣承
真家學及與同縣崔甲默武韓會試京師益從名儒大師
講論又從陸清獻公遊學益邃密老而歸尤以倡道自任
嘗爲送安平學博黃仲香歸東安序其文曰昔曹月川先
生爲霍州學正霍爲李白雲先生舊里先是白雲先生倡
道晉陽學者景坵河汾之緒復振及月川先生至霍其教

士以踐履爲本霍教益與其及門高第郭睿等皆素從遊於白雲者月川旣樂得白雲以爲倡白雲又樂得月川以爲霍士師說者謂河汾之學自前代宣仁間而大著實繇月川始月川爲一代儒宗衍二百年之道脈實繇教霍始於戲豈不偉哉安平元時爲劉靜修先生流寓地流風遺教猶有存者 國朝陸稼書先生講學靈壽余往受學謬荷獎借故吾邑諸生皆學于余余旣媿無白雲倡道之力以爲諸士先邑中司學校之責者使非得月川其人以立標準而樹風聲士習何由而醕教化何由而洽也仲香黃先生不言而躬行多士服其教不事董戒而嚮學莘莘此

記十五

文學

五

與月川之教霍何以異嗟乎自儒術寢微師道不立以興賢育才之地羣目爲寒氈冷席給饘粥而已矯然自異者舍季試月課亦更無造士之術孰有不言而躬行以踐履立教無媿月川其人如先生者乎幸得先生無媿月川矣今又舍諸生而歸然則安平今日卽有白雲復出猶當苦無信從者以爲之助而况白雲之不復出也哉玠之自任如此珊字里人本植季子工詩豪飲能書嘗攜酒登岱倚醉狂吟聲殷巖谷摩崖題詠墨瀋淋漓傲然自得也爲諸生入試策文或二三千言判論僅百數字格格不合常式以是久不第由貢生爲河南唐縣知縣未幾弃官歸與

知縣陳宗石交善會巡撫爲壽宗石屬珊代爲詩及書珊
諾而久不爲至期宗石促之已中酒笑曰此易耳命紙墨
縱腕揮毫字跡皆若鸞鳳翔翥宗石方懼以潦草獲譴旣
獻乃大嘉賞問誰作宗石以珊對巡撫曰是吳學士少子
乎久聞之不意其能如此也遣使請珊入幕珊謝不往曰
吳某豈曳裾人門者哉及卒戒諸子曰毋以儒衣冠歛我
不者我必爲厲鬼殺汝本植守禮法玠循循不失至珊特
放縱以狂著

顏李之學以堅苦力行爲宗州人從遊者安平獨多有楊
計公者精西人算學能擊技諸生也從顏習齋遊者有趙

記十五

文學

六

衛公啓公兄弟也皆以武勇聞旣從習齋遊又薦可默好
學默字詛言習齋過安平相從訪問者又有彭古愚彭子
諒闇輝光之屬輝光教其徒揖立應對朔望拜父母習齋
善之可默旣從習齋習齋沒又與王傑期師事李剛主舉
人趙垂勳者字偉業亦服習齋之學而師事剛主剛主稱
其一堂虞夏子舉人趙瑞鴻字漸達亦剛主門人其後又有
王博古弓御九弓遜甫之屬皆從剛主遊楊靜甫者不知
於計公何族屬也剛主嘗問水學玉衡恒升龍尾三車法
及測天法於靜甫蓋亦通西學者剛主又嘗紀弓靖葦之
事畧靖葦名恒矢雍正四年舉鄉飲壽賓剛主謂鄉人嚴

之如王彥方陳仲弓也靖菴有子曰巽爲諸生能篆書或曰巽卽遜甫也劉琛者字來獻嘗於人家坐上一識習齋後遂私淑之以習齋禮樂射御書數之學教子又仿習齋爲齋戒牌謂學莫先於禮禮莫重於祭春秋上辛祀先師以習齋從祀卒而李剛主銘其墓曰斯人之逝兮斯道之悲其痛惜如此自楊計公至劉琛凡十六人皆家安平而溪州亦有諸生國之桓字公玉公玉初名之元避習齋名改之桓初與衡水魏純嘏從習齋問天文之學年長於習齋請執弟子禮習齋辭焉之桓曰昔董蘿石師事王陽明不論年先後之桓敢遜蘿石邪卒爲弟子習齋南遊之桓

記十五

文學

七

徒步從行至濬縣之桓弟之蒲爲濬縣教諭導遊大伾因與習齋論井田之法習齋畱之桓於濬而還已而之桓卒習齋素服爲位哭奠受弔持心喪三月之桓性樂善州人王之俊苦孝廬墓終身之桓爲奔走有力上聞於朝有田逢年者以傭得值出以助之桓之桓辭之逢年怒曰爲善顧擇人乎之桓改容謝之經營五年卒上達建坊於之俊之墓之蒲字男玉順治十七年舉人其爲教大愾仿白鹿洞規生平著述甚富見菟文

劉元龍字凝焉饒陽人性至孝嘗吮母癰居喪盡禮自少有志學聖賢薄世儒進取之術不爲獨究心遺經南遊江

淮廣益學識講學震澤毗陵三吳間學者比肩門下其學由博返約尤遠於易積三十年成先天易貫五卷其說以數合象統天道人道爲一貫以發明宋儒者所稱先天之易俾羲文周孔之傳同條其本將令後學者知易爲窮理盡性至命之書脩己治人平天下之道於是畢具非僅爲卜筮作也其說六十四卦錯象仿大象爲文多精深卓絕詣極之言漢魏以來專門之學莫能造其藩 四庫存其書目近世言易者莫能逮也其子玉麟以其指溪而趣博學者不能驟通其說從而注之世以方邵伯溫之注皇極經世云合河孫文定公督學畿輔造門受講將薦于 朝

記十五

文學

八

元龍辭焉雍正元年 詔舉孝廉方正饒陽安平之人皆以元龍應 詔固辭不就乾隆元年卒門人私諡曰純靜先生

乾隆元年 詔舉博學鴻詞涇州應舉者二人其一州人李明哲歲貢生方志不載今無可紀述其一武強劉自潔字某左都御史謙之子康熙五十二年進士選翰林院庶吉士散館授編修尋罷歸乾隆元年應鴻博科報罷先後主大梁瀛洲書院仿胡安定分齋訓士朱子分年課士之法遠近翕然所著書見菑文

賈昌期字際升武強人 高宗五十九年春巡淀津昌期

有召試詩并序文多不載嘉慶六年選拔貢生

李長峯字湘南州人嘉慶廿二年進士官工部主事蚤卒道光中清河道陶樑輯畿輔詩傳載長峯題王虛中焚椒錄詩六章其首章云金水荒寒咽不流燕支誰洗故宫羞滄桑賸有詞臣在獨抱殘編哭白頭二章云當年寵遇號專房國色何須時世妝寄語天潢諸命婦貴家風範在端莊三章云綠衣黃裏事堪嗟永巷三年望翠華一闕回心誰顧曲枉將幽怨訴琵琶四章云金屑檀槽字字哀後宮爭唱紫雲回梨園縱預霓裳譜那有昭陽赤鳳來五章云賺將妙楷寫鍾王黠甚蛾眉進士香一幅冰綃冤獄具九天何

記十五

文學

九

處叩雲間六章云玉柙珠襦耐慶陵他年典禮慰芳靈不然滿地紅心草應共明妃冢上青陶樑輯畿輔詩自云趙菊言侍郎摻採有功長峯此詩蓋趙侍郎所採寄也王虛中名鼎涿州人遼清甯五年進士官觀書殿學士焚椒錄紀道宗懿德皇后蕭氏爲宮婢單登搆陷事遼史宣懿皇后傳云小字觀音姿容冠絕工詩自制歌詞尤善琵琶清室初立爲懿德皇后皇太叔重元妻以豔冶自矜后戒曰爲貴家婦何必如此后寵專房好音樂伶官趙惟一得侍左右太康初宮婢單登誣后與惟一私族誅惟一賜后自盡乾統初追諡宣懿合葬慶陵王士禎居易錄云道宗在位

四十七年改元者三清宣咸雍壽昌無太康案太康字誤
杜法孟字溯鄒武彊人咸豐九年副榜貢生同治初開同
文館法孟考取肄業從海寧李壬叔善蘭習天算之學壬
叔算學專門突過西士顧激賞法孟汝綸纂溪州志欲得
精測繪者爲畱訪之王叔王叔曰惜子來遲吾門有武彊
杜生可任此近隨朱宥夫學使往湖南學幕矣更求其次
則有湖北熊生方柏然不逮杜也法孟後爲江蘇寶應知
縣數年罷歸及光緒廿四年 詔天下州縣各立學堂礫
求歐美新學歐美學多方要以算數爲本汝綸以爲法孟
算學大師今幸家居可遣後生往就學乃爲書告溪冀故
人令聘致法孟教二州子弟習西算書到而法孟已前死
矣其後未幾新學之令亦廢

記十五

文學

十